

ԱՐՏԱՇԵՍ ՀԱՐՈՒԹՅՈՒՆՅԱՆ ՊՈՆԶԻԱՆ

ՎԱՐՍԻԿ ՇԱՄՆՅԱՆ

XIX դ. վերջի և XX դ. սկզբի արևմտահայ քնարերգության ինքնատիպ դեմքերից է Արտ. Հարությունյանը, որի ստեղծագործական հետաքրքրություններն ընդգրկել են մի շարք բնագավառներ: Նա տաղանդավոր բանաստեղծ էր, շնորհալի թարգմանիչ, կրթոտ հրապարակախոս, գրականության տեսաբան, «հայտնի գրադատ և անաչառ հրապարակախոս»¹:

Ժամանակակիցների վկայությամբ, Հարությունյանը բնագրով կարդացել և թարգմանել է ֆրանսիացի հանրահայտ գրողներին, ինչպես նաև ծանոթ է եղել Գոգոլի, Տոլստոյի և ուրիշների ստեղծագործություններին:

Հարությունյանի գրական առաջին քայլերը սկսվել են անցյալ դարի 90-ական թվականների վերջերին «Թուրաստան մանկաց»-ի էջերում՝ Մանիշակ ծածկանունով, այնուհետև հաջորդաբար լույս են տեսել նրա առաջին գավառական պատկերները՝ Կարո ծածկանվամբ: Դարասկզբին Հարությունյանն արդեն ճանաչված բանաստեղծ էր և տպագրվում էր արևմտահայ գրերի բոլոր պարբերականներում ու ամսագրերում՝ Մակարացի Կարո, Արտաշես Հարությունյան ստորագրությամբ:

Գրական գործունեության առաջին իսկ քայլերից Հարությունյանը հանդես եկավ իբրև հարուստ կենսաճանաչողության տեր, բանաստեղծական հատուկ մտածողություն ունեցող հեղինակ: Թեև գիտական մտքի կենտրոնից հեռու էր նա, սակայն ապրում ու շնորհ էր բերողական կյանքով և ձգտում գեղարվեստորեն արտացոլել ժամանակակից իրականության այն երևույթները, որոնք իրենց էությունով առավել ծանոթ ու հարադատ էին: Այս իմաստով հետաքրքրական է Հարությունյանի ստեղծագործական կյանքի առաջին շրջանը՝ 90-ական թվականները, երբ լույս տեսավ «Լքված բնար» (1902 թ.) բանաստեղծությունների ժողովածուն, ուր նկատելի են հեղինակի բանաստեղծական ինքնուրույն ընկալումները և գեղեցիկ պատկերներ կերտելու արվեստը:

Դարասկզբի առաջին տասնամյակում Հարությունյանը ստեղծում է իր պոեզիայի լավագույն էջերը՝ «Ծրկունք» խորագրով: Նա այդ ժողովածուով գրականություն բերեց իրականության, իրադարձությունների ու երևույթների իր ուրույն ընկալումը, իր ոճն ու գեղարվեստական մտածողությունը:

Հարությունյանի պոեզիան նորահայտ այն մտորումների ու տրամադրությունների հայտնաբերումն էր, որ թելադրում էր պոլսահայ կյանքը և որն, անշուշտ, իր կնիքը պիտի դներ բանաստեղծի գեղարվեստական մտածողության վրա: Բանաստեղծը քայլում էր ժամանակին համընթաց և իր ստեղծագործություններում գեղարվեստորեն պատկերում էր հոյակապ ուժեղ

¹ «Հայ գրողներ», հ. 2, Թիֆլիս, 1910, էջ 807:

անարդարութիւններն ու բռնակալների հակամարդկային էութիւնը, որոնց
յկմ ծառանում էր ոչ միայն գրողը, այլև առաջավոր գաղափարներով սնված
նոր սերունդը:

Արեւմտահայերի բռնի տեղահանութիւնը, կոտորածները, թուրքական
ցեղասպան քաղաքականութիւնը, մղձավանջային ողջ իրավիճակն ավելի ու
ավելի են իշխում պոետին, և նա ըստ ամենայնի ըմբռնում է իր հայրենի երկ-
րի հաղարամշտ կյանքի մէջ առաջացած պատմական մեծ փոփոխութիւնը:

Ու կը դիտեմ հորիզոնս գլազական.

Մեր ալ ավեր ու մոխիր կա սգավոր²:

Եւրոպայի վերապրելով իր ժողովրդի վիշտն ու տառապանքը, բանաստեղ-
ծը իր մոայլ խոհերը համարում է իր հարազատ ժողովրդի կյանքի տխուր ար-
ձագանքը: Ժողովրդի պատմութեան այդ տագնապալի օրերին, դեպքերին ու
հանգամանքներին զուգընթաց, Հարութիւնյանի քնարը արձակում էր մերթ
հուշի ու հուսալքման, մորմոքի ու տվայտանքի, մերթ հավատի և վհատու-
թեան տրամադրութիւններ:

Գիշեր: Լճակին ելրը միս-մինակ.

Այս փայլի, բոլորի, ստվերի պահուն,

Հոգվույս տենդագին խոր սլացքներում,

Պահ մը նեղ կուգա մեծ վիշտն համակ³:

Ընչտ է, դաժան իրականութիւնը երբեմն ազդում է գրողի տրամադրու-
թեան վրա և խորտակում բանաստեղծի պատրանքները, նրա քնարի լարերը
հնչում են իբրև թախծի ու մորմոքի երգ ժողովրդի կյանքի ու ապագայի մա-
սին, սակայն, ի վերջո, հաղթում է լավատեսութիւնը, և նա ոչ միայն չի ընկ-
ճւղում դաժան իրականութիւնից, այլև լցւում է հաղթանակի անվերապահ
հավատով:

Իր խոհերն ու մտորումները ավելի ցայտուն արտահայտելու համար բա-
նաստեղծը դիմում է գիշերային հափտենականութեան ու անդորրութեան նկա-
րադրութեան:

Սերելով արեւմտահայ գրականութիւնից, Հարութիւնյանը, շնորհիվ իր
դիտողականութեան ու պայծառատեսութեան, որդեգրեց իր ժամանակակիցների
հոր կենսունակութիւնն ու մինչև վերջ պաշտպանեց այն: Այդ կենսունակու-
թիւնն օգնեց նրան գովերգելու այնքան հոգեթով ու հարազատ բնաշխարհը
և այնտեղից վերցնելու իրեն հետաքրքրող թեմաների գույներն ու երանգները:

Այդ թեմաները, սակայն, ոչ թե սոսկ անհատական ապրումների արտա-
հայտութիւններ են, ինքներգութեան փաստեր, այլ կենսական հարուստ բո-
ւնականութեան բանաստեղծական դրսևորումներ: Դրանք աչքի են ընկնում
ներշնչվածութեամբ և գաղափարական նպատակասլացութեամբ:

2 Ա. Հարութիւնյան, Երկունք, Կ. Պոլիս, 1906, էջ 84:

3 Նույն տեղում, էջ 22:

Ու կը քալեմ: Գիշերն երկայն,
Գիշերն՝ անհուն դեր կերկարի,
Ու կուշանա նվիրական
Արշալույսին ցուրը բարի⁴:

Եվ որքան էլ գիշերն անհուն երկար է, խոհերով ու կակիծներով լի, որքան էլ շուրջբոլոր ավեր կա սգալոր, և գիշերը ծանր է ու մթին, սյունամենայնիվ, բանաստեղծի խորհող միտքը կանխագուշակում է փրկիսոփայական այն մեծ խորհուրդը, որ գիշերվա հավիտենությանը պիտի հաջորդի առավոտը, արևուծազը՝ խորհրդանշելով կյանքի «մշտավառ» արշալույսը:

Նուրբ են Հարությունյանի կերտած գիշերային դույներն ու պատկերները: Այդ նրբությանը, թերևս, հատուկ խորհուրդ և իմաստ է տալիս բանաստեղծի պայծառատեսությունը, որ նա ունի կյանքի ու արվագայի նկատմամբ:

Գարնան գիշերվան լուսնին տակ պայծառ,
Հեշտ է ինձ այդպես փարիլ անուրջին,
Ըլզալ ներսս ուժգին կյանքը մշտավառ,
Եվ սրբել հողիս իր ցավերեն հին⁵:

Սուլասման հոգեբանության բանաստեղծական լավագույն արտահայտությունը տվել է Մեծարենցը: Դեռևս իր առաջին ստեղծագործությունների մասին նա գրել է. «Սպասման երկարածիզ գիշեր մըն է, աղերսանքներով, հոգսերով, ցավերով և երբեմն էլ կայծկլտուն հույսերով լեցուն»⁶: Թուրքական սովորական կապանքներից աղատվելու, պայծառ ու լուսավոր օրերի սպասումն էր այդ, որ վաղամեռիկ բանաստեղծը հեռավոր ամերիկյան եկող իր նավակների վերադարձին սպասեց և այդպես էլ շտեմար: Սպասումը դառնում է կենտրոնական և տիպալիտող զգացում թե՛ Մեծարենցի և թե՛ Հարությունյանի համար, թափանցում նրանց խոհերի ու զգացումների ներաշխարհը: Այդ բարդ ու ծանր մթնոլորտում նրանք ապրում են հիասթափության ու հուսահատության պահեր, բռնկումներ: Ինչպես Մեծարենցի հողին փոթորկվում է բաղում խոհերից ու մտորումներից, այնպես էլ Հարությունյանը գիշերային խավարի մեջ տազնապներ է ունենում, թե «Մեծ հրազներին» իրականացումը կարող է ուշանալ, սակայն փուլթ չէ, քանզի «ճամփորդը» համառորեն ձգտում է հաղթահարել ճանապարհի դժվարությունները և հասնել հեռու-հեռվում, թանձր խավարի մեջ նշմարվող կայծին, որը դեռ «արթուն էր և անշեջ»:

Պիտի քալե ան հավիտյան
Միշտ հստակ կաթիլն իր ուժերով,
Գիշերն ինչ փուլթ, ինչ փուլթ ճամփան
Երբ կայծն անշեջ, կայծն է արթուն⁷:

⁴ «Շանթ», 1911, № 3, էջ 34:

⁵ Ա. Հարությունյան, Նոր քնար, 4. Պոլիս, 1912, էջ 12:

⁶ Մ. Մեծարենց, Երկերի լիակատար ժողովածու, Երևան, 1934, էջ 278:

⁷ Ա. Հարությունյան, Նոր քնար, էջ 54:

Արևիկն հասնելու պարանքն այնքան առարկայական ու շոշափելի է, որ ընթերցողը կարծեք տեսնում է այդ բոլորը: Բանաստեղծը տարփանքով նվիրվում է արևին, ցանկանում է փարվել նրան և խարիսխ որոնել բնության ու կյանքի միջև: Հավերժորեն արարող արևը բանաստեղծության էության մեջ է և այդ իսկ պատճառով ջերմացնում է ընթերցողին հոգեպես: Արևին նվիրված հիանալի ստեղծագործությունները արդյունք են այն սիրո, որ բանաստեղծը տածում է մարդու կյանքի, ապրելու, վայելքի և ընդհանրապես աշխարհի նկատմամբ:

Ու նոր կիրթերդ դիս կարծածես
Սրտիս տալով նորոգ թևեր.
Դեսլի արևն ու դեպի վեր
Կը թռչիմ ևս մահվան ծոցեն՝:

Բանաստեղծի մտահղացումն ավելի պատկերավոր ու վառ է «Արևն ու հյուսիս» բանաստեղծությունում, որը կարելի է դիտել իբրև քնարական արվեստի մի փայլուն նմուշ: Կյանքով ապրող հոգու խանդավառ հիմն էր այդ, ուր քնարական հերոսի կենսալից հույզերը փոխարինվում են բնության ամենավառ երևույթներով: «Արևի ջերմ համբույրեն» փոթորկվում է պոետի հոգին և լցվում կյանքի հրալքով: Արևի մտերմությունն ու ջերմությունն է զգում ու վայելում գրողը, նրա կենսաբույր շողբյր կենդանություն և շունչ են հաղորդում զրոյին և լուսավորում նրա ճամփան: «Կապրիմ ուրեմն կյանքը և բաց կթողում հողովույս բոլոր խորտակված պատուհանները»⁹, — գրում է բանաստեղծը:

Նույն սնդրունքով ևն հյուսված Մեծարենցի «Արևերգերը», որոնք կյանքի արարման գովք են:

Երկու արվեստագետների ստեղծագործությունն էլ ներծծված է հայրենի բնության նկատմամբ ջերմ սիրով, սակայն իրականության նկատմամբ նրանց մոտեցումն ու վերարտադրությունը տարբեր է. Հարությունյանի ստեղծագործությունների բանաստեղծական մղումները, գաղափարական-գեղագիտական համակարգը, շրջապատող իրականության հետազոտության գեղարվեստական ընկալումը տարբերվում են Մեծարենցի ստեղծագործությունից: Եթե Մեծարենցը դիմելով «բարի արևին» պաղատագին աղերսում է երկարացնել իր կյանքի արշալույսը. «Հիվանդ եմ, բարի արև, շողա՛, շողա՛...»¹⁰, ապա Հարությունյանը, խանդավառված արևի բոլոր ջերմությամբ, դիմում է նրան ասելով. «Արև, բարև, ջերմ համբույր տանք իրարու»¹¹:

Հարությունյանն արևը ընդունում է իբրև պայծառ, հզոր և ազատ կյանքի խորհրդանիշ: Դա բանաստեղծի լավատեսական կենսահայեցողության, կյանքի հարատևության, աշխարհի գեղեցկությունների ընկալման ու գնահատման արտահայտությունն է:

8 Ա. Հարությունյան, Երկունք, էջ 64:

9 Ա. Հարությունյան, Գիշերվան ճամբորդը, Երևան, 1968, էջ 92:

10 Մ. Մեծարենց, Նշվ. աշխ., էջ 62:

11 Ա. Հարությունյան, Գիշերվան ճամբորդը, էջ 96:

Ի դեպ, Հարությունյանի՝ արևին նվիրված բանաստեղծությունների մեջ մոռալ նկարագրությունները խիստ սակավ են: Նրա պոեզիայում նույնիսկ գիտնականական ողողվում է լույսի և կյանքի հրաշքով:

Արևերգերում հասնելով բանաստեղծական բարձր վարպետության, գրողը ոչ միայն հաջող վերարտադրում, այլև այնպես է քնարականացնում այն, որ ընթերցողը, կարծեք, փոխադրվում է նկարագրվող վայրը և բաժանում հեղինակի հուզապրումները: Բանաստեղծի հետ նա վայելում է բնության հրաշք արևի տոնը, տոնն անհուն ևրդի, բույրի, հիացման և նրա հոգին լցվում կյանքով, հույզով ցնծագին:

Ու տոնն անհուն ևրդի, բույրի, հիացման,
Տոն բնության, շքեղ տոնը Արևին,
Փթթումներու լայն գրեխն մեջ անսահման
Կր թրթռայ կյանքով, հույզով, ցնծադին¹²:

Այսպիսով, Մեծաբնեցի և Հարությունյանի պոեզիայում գիշերը, իրիկ-նամուտը, մթնշաղը, մշուշը, արշալույսը և նրանց ստեղծած այլ բնասպասկները ասվում և շնչում են նրբերանգների անսահման գեղեցկությամբ: Դրանք բանաստեղծական ընկալումների բազմազանության, կյանքի այլևայլ երևույթների արտացոլման արտահայտչական միջոցներ, ձևեր, գույներ ու երանդներ են:

Մորմուքի և հուսալքման, սպասման և պատրանքի տրամադրություններ արտահայտող բանաստեղծը երգում է նաև սեր, բնություն:

Ինքնատիպ գույներ ու երանգներ ունեն բանաստեղծի երգած զարուհի, աշունը, ամառը, ձմեռը, դրանք զանազան խոհերի ու մտորումների յուրօրինակ արտահայտչաձևեր են կյանքի մասին: Երգելով սեր, բնություն, խնդություն, նա դրանք տոգորել է դարասկզբի գաղափարներով: Հարությունյանն առանձնակի ներշնչանքով է երգել բնության թովչանքն ու հմայքը: Դրա փայլուն վկայությունը «Այսպես կյանքեն» ոտանավորն է.

Վայրավուտին գեղեցկությանց վեհ տաճար,
Ես կը պաշտեմ բնությունը մայրական.
Բաց է հոգիս իր խորհուրդին մոգական
Դյութանքն անոր զիս կ'առինքն շարաչար¹³:

Բնապատկերները բերում են ուրույն գեղեցկություն, քանի որ բանաստեղծը նկատում է առարկա-երևույթների հմայքը, որը, վերջիվերջո, ձուլվում է հոգու մեջ, զարմանալի նրբանկատությամբ ամբողջացնում իր ներքին էությունը: Նրա գրչի տակ բազում պատկերներ բացում են բանաստեղծի հոգու ներաշխարհը, ստեղծում սիրո և կարոտի գրավիչ մթնոլորտ: Բնությունը դառնում է միջոց՝ ճանաչելու աշխարհի հրաշալիքները, ըմբռնելու ճշմարիտը, լավն ու բարին: Բնության ընկալումը Հարությունյանի պոեզիայում վեր է ածվում աշխարհի փիլիսոփայական ըմբռնման:

¹² Ա. Հարությունյան, Ծրկունք, էջ 40:

¹³ Ա. Հարությունյան, Նոր քնար, էջ 42:

Պիտի բանամ հոգուս պայծառ
Պատուհանները բյուրավոր,
Խոանդալից ու խանդավառ
Ուժդին կամքով մը անսովոր:

Եվ անոնցմե հոգնակոհակ
Պիտի խուժեն լույսն ու Արև:
Բոլոր բույրերն, երգերն համակ
Պիտի պարեն հոն ակներև¹⁴:

Բնության մոտիվները Հարությունյանի պոեզիայում հանդես են գալիս իբրև բանաստեղծի հոգին պարուրող կենարար շունչ ու ոգի, թարմություն ու կյանք հաղորդող, հոշիկան աշխարհի այս կամ այն պահը երջանկացնող միջոցներ: Բնությամբ հրապուրվելու, նրանով լցվելու ցանկությունը մեծ է դրողի մոտ: Նա հարազատորեն վերարտադրում է այն իրականությունը, որին ծանոթ է մանկությունից, միշտ երազել է լինել «տերևախիտ անտառների եղ-նորդը», «հովիտների շուշա՛նը», «լեռների զմրուխտը», «ծաղիկների բույրը», «երկնքի կապույտը», որպեսզի լիովին վայելի հայրենի բնության հրաշալիք-ները: Նախկնցուց հետո թիրևս ոչ ոք այնպես նրբին չի դիտել բնության խոր-ըրդավոր շարժումն ու գեղեցկությունը, ինչպես Հարությունյանը:

Մալկարայի պայծառ արշալույսներն ու վերջալույսները, աշնան գիշեր-ները, լուսնյակն ու երկնքում փայլող աստղերը, ձյունալանջ շուշանները, վառ-դեղին բացվող ծիլերը, այդ բոլորը բռնվում են խաղով և բանաստեղծի սիրտը լցնում նոր հուզապրումով:

Ու վայելել մեծ բնությունն համրորեն,
Ծրծեկ անոր հոգին, ավիշն ու եռանդ,
Սրբշիռ կյանքով. կիրքով արբշիռ ուժգնորեն
Երազողի քաղցրիկ անուրջ սին տենչանք¹⁵:

Էյանքի կենսատու ավիշը վեր հանող այս փիլիսոփայությունն է ահա, որ հաստնաբերում է Հարությունյանը և հաստատում բնապաշտական իր հայացությունը:

Հարությունյանի քնարական արվեստի նվաճումներից է նաև այն, որ նա իբր խոհերն ու ապրումները կապում է կյանքի, բնության որևէ կոնկրետ իրողության շարժման, դրության պատկերման և իմաստավորման հետ: «Էյանքի մեծ շարժման» գաղափարը առավելապես խոր է արտահայտվել նրա թե՛ արձակում և թե՛ «Նոր քնար» գրքի համանուն շարքում: «Եր սիրեմ արևը, որ էյանք էլուտա ինձի, կը սիրեմ կյանքը, որ այսօրվա գոյությանս հանդիսա-րանն է»¹⁶:

Հարությունյանը միանգամայն բնականորեն է հաստատում կյանքի հաղ-թանակի փիլիսոփայությունը: Նա գտնում է, որ մարդը պետք է բնության

¹⁴ Ա. Հարությունյան, Լքված քնար, Կ. Պոլիս, 1902, էջ 58:

¹⁵ Ա. Հարությունյան, Նոր քնար, էջ 14:

¹⁶ Ա. Հարությունյան, Գիշերվան ճամբորդը, էջ 94:

արտացոլումը լինի, լուծվի բնության հետ, աշխատի նմանվել նրան, թափանցի իրերի խորքը, իբրև «կայծ մը անջինջ», քանզի բնության լայն ծոցին մեջ են բոլոր ներդաշնակությունները, քանի որ բնությունը

Աստվածային ոսկերչությունն է վսեմ,
Որուն առջև կը ծնրադրեմ հոգեզմայլ¹⁷։

Աշխարհը նկատման այս խորհրդածությունների մթնոլորտում Հարությունյանը բնապաշտորեն է լուծում բնության և մարդու փոխհարաբերության հարցը, ըմբռնում բնության և մարդու միջև եղած ընդհանուր կապը։

Ժողովրդական ավանդությունը նույնպես ներթափանցել է Հարությունյանի պոեզիայի մեջ։ Սյուժեի և ավանդության գեղարվեստական մշակումը, բնության երևույթների և մարդկանց կապն ու ներդաշնակությունը, պատկերների պարզությունն ու անմիջականությունը նրա բանաստեղծությունները դարձնում են ավանդության ոգուն հարազատ։ Դրա փայլուն վկայությունը «Ժայռ» ոտանավորն է։ Այստեղ նկարագրված է, թե ինչպես ժայռերը մարդկային կերպարանք են ստանում և հանդես են գալիս իբրև հարսանքավորներ, և երբ հարսը իր դեմքի գեղեցկությունը ցուցադրելու համար նետում է քողը, բնությունը սաստիկ զայրացած բացականչում է.

Ամբարտաժան գեղեցկության այս ցույցին,
Այդ ամբոխը կանիծե իր շանթերուն
Անեծքներովն առկարեկիր
Ու բոլորն ալ քար կդառնան, կը սառնին՝
Դամված, անշարժ ու լռին¹⁸։

Այս ոտանավորը բնության հավերժական շարժման անձնավորված պատկերն է։ Ավանդության հետ կապված բնության երևույթները գեղարվեստական մշակման են ենթարկվում Հարությունյանի պոեզիայում և ստանում խոր մեկնաբանություն։

Հարությունյանի քնարերգության մեջ չկա հիմնական թեմաներից ու սյուժեներից անջատ որևէ նկարագրություն, ինչպիսին ունի Մեծարենցը հայկական բնաշխարհին նվիրած իր հոյակապ ստեղծագործություններում։ Այդ առումով երկու արվեստագետներն էլ իրենց հայրենասիրական զգացմունքներն ու խոհերը արտահայտում են բնության պատկերներում։ Քանի որ նրանց ստեղծագործություններում գործողության հիմնական միջավայրը բնությունն է։

Հարությունյանի սիրային պոեզիան աչքի է ընկնում զգացմունքների բազմերանգությամբ ու անմիջականությամբ.

Ու կը հյուսե, երազ ու սեր,— իր հոգին
Խոհեր թանկագին.
— Լուռ սպառում ուրիշներու հաճույքին,
— Հեգնանք տրտմագին¹⁹։

¹⁷ Նույն տեղում, էջ 95։

¹⁸ Ա. Հարությունյան, Լքված քնար, էջ 39։

¹⁹ «Մասիս», 1901, № 12։

Առաջին սիրո վերհուշների, երիտասարդական ռոմանտիկ և պատրանքա-
լիկ սիրո զգացմունքների անադարտությունը նկատելի է բանաստեղծի
սկզբնական շրջանի գործերում, սակայն աստիճանաբար սիրո հզոր ուժի փա-
ռաբանության կողքին հնչում են նաև այնպիսի տրամադրություններ, որոնք
օնվել են անհույս սիրո տվայտանքներից և սիրած էակի կորստյան ցավից:

Սիրո պոեզիայում մեծ տեղ են գրավում պոետի հոգեբանական դրու-
թյունները, նրա ներքին ալեկոծումները.

Այն ի՞նչ ըրիր, որ իմ մեջ,
Հողվույս խորը դեռ մի բան,
Կը մընա ջերմ ու անշեջ
Անվըտար ու անխափան²⁰:

Սրբ գրողը խորհրդածում է իր սիրած էակի մասին, լցվում է լավատե-
սությամբ: Սիրած աղջիկը բովանդակ աշխարհ է, երջանկության ու հրապույրի
խորհրդանիշ: Իր սիրերգերում Հարությունյանը մաքուր զգացումով երդում է
կնոջ արտաքին բարեմասնությունները, այդ բոլորը համեմատում բնության
հրաշալի առարկա-բրևույթների հետ՝ որպես գեղեցկության բացարձակ չա-
փանիշ: Նստած «աղամանդ աստղերուն» տակ, բանաստեղծը երգում է անմեղ
կույսի կանացիական ժպիտը, նրա մեղմ ու քնքուշ հայացքը, ուսերին փռված
ոսկեղծ մաղերը, որոնք ոսկի թիթեռնիկների նման ծփում էին մարմնի շուր-
ջը, իբրև «սուրբ խորան մաքրության»: Ուրախությունը, երջանկության հաս-
նելու ձգտումը ինքնըստինքյան շնում է այն կորցնելու թախիծ ու տրտմու-
թյուն: Եվ պոետի հոգին համակվում է մոտալուտ դժբախտության նախա-
զգացումով:

Սիրո պոեզիայում ակնհայտորեն բացահայտվում են բանաստեղծի հո-
գու թրթիռները, հարադատ սիրո կարոտը, կորցրած էակին վերստին գտնե-
լու տենչանքը.

Ա՛հ, այդ չքնաղ պատկերը կ՛: փնտրեմ դեռ
Այդ քաղցրիկ անուրջ:
Պայծառ աշուկներդ ըսին ինձի
Թե կը սիրեն վէս կաթոգին
Եվ հիմարորեն ես լացի
Երանությանս այս փառքին²¹:

Ընդր բանաստեղծի համար դառնում է ապրելու և հարատևելու խորհրդ-
դանիշ, նա սիրո մեջ ափսոսում է կյանքի հմայքը, աշխարհի գեղեցկություն-
ները.

Բաց ինձ գիրկդ, ապրելու հույս
Անհրապելի այլ աղվոր,
Ու պարգևէ տխուր հողվույս
Կյանքին ուժը փառավոր²²:

²⁰ Ա. Հարությունյան, Երկունք, էջ 14.

²¹ «Շանթ», 1912, № 29.

²² «Շանթ», 1903, № 6.

Հարությունյանի սիրո մոտիվով զրված ստեղծագործությունները բնավ էլ վերացական բնույթ չունեն։ Դրանք գրողի անձնական կյանքի, նրա կենսագրության հետ խորապես կապված են։ Հարությունյանի պոեզիան արդյունք է իր ապրած ու զգացած կյանքի։ Ծղարարությունն այն է, որ անձնական կյանքի զանազան երևույթների հետ առնչվող իրողությունները չէին կարող գեղարվեստական մարմնավորում ստանալ, լինել դրանց մեջ բացահայտված շինին մարդու բնորոշ հոգեբանական գծերը։ Հարությունյանի կենսագիրներին վաճառ Հարությունյանը հատկապես հիշատակում է նրա առաջին սիրո տխուր պատմությունը և դրա հետ կապում կյանքի տարբեր շրջաններում գրված ստեղծագործությունների խորհրդավորությունը։ Ըստ երևույթին, այս-տեղից էլ առաջացել են Հարությունյանի տանջալից ապրումներն ու հիասթափությունները, անհագ սիրո այրող տառապանքները։

Ամպեր, թե անոր երկիրն ալ երթաք
Համբուրեա կրակ մ'ու բոց մ'աչերես,
Կուրծքիս խորերեն հեծեծանք մը տաք
Ու կայծ մ'ալ առեք տարեք իմ սերես²³։

Այսպես է երգում սերը Հարությունյանը, ուր դառնում է նրա անձնական վշտի ու դժբախտության պատճառը։ Կյանքի հանգամանքները խորտակում են նրա սիրո քաղցր պատրանքները։

Բանաստեղծը սիրերգերում մերթ արտահայտում է խանդավառության ու ոգևորության տրամադրություններ, իրական թե պատրանքային սերը դիտում է կյանքը իմաստավորող հզոր գործոն, «սերը հույի մը երկրորդ ծնունդն է», մերթ սիրած էակի գոյության փաստի զգացողությունը նրա սիրտը լցնում է երջանկության հզոր թափով, մերթ ողբում սիրո կորուստը, վայելքն ու հրապույրը, կարոտն ու թախիծը, մերթ համակերպվում իր վիճակի հետ և ստեղծում հոգու անդորրություն։ Այս բոլորը, իհարկե, Հարությունյանի պոեզիային հաղորդում են ճանաչողական մեծ արժեք և այդ իմաստով նա իր հետաքրքրությունը կապականի մշտապես։

Հարությունյանի պոեզիան աչքի է ընկնում նաև բնության, կյանքի, աշխարհի մասին խոհական-փիլիսոփայական խորհրդածություններով։ Դրանք ներքին հարստությամբ, մտքի խորությամբ, լայն մտահղացմամբ և բանաստեղծական բարձր արվեստով տոգորված գործեր են։ Հեղինակը երգում է մարդու հոգեկան աշխարհի, նրա անսահման ուժի ու կարողության հնարավորությունը, նրա ապրելու ու հարատևելու ձգտումը։ Տիրապետողն, անշուշտ, գրողի կենսասիրությունն ու լավատեսական պայծառ հավատն է, կյանքի հաստատման միտումը։ Այս բովանդակավորմամբ ու իմաստավորմամբ էլ պայմանավորված է պոետի կենսափիլիսոփայությունը և մարդկային հոգու խորքերը թափանցելու արտակարգ կարողությունը։

Թեև Հարությունյանի ստեղծագործությունների արտահայտչական ու պատկերավորման միջոցների հետ կապված հարցերը մեր նպատակադրումից դուրս են, սակայն անկարելի է մի քանի խոսքով շանդադառնալ նրա բանաստեղծական արվեստի ինքնատիպ և արժեքավոր կողմերին։

²³ Ա. Հարությունյան, Երկունք, էջ 19։

Հարությունյանի պոեզիայի ժողովրդայնությունը առկա է ոչ միայն ազդային կյանքի ու ավանդության, մարդու պատմական բախտի ու կենսափոխափայտության, սիրո ու բնության մոտիվներում, այլև լեզվաարտահայտական միջոցներում: Նա աշխարհաբար գրական լեզվի գեղարվեստական ռիչակման հիանալի օրինակ է տվել: Դրա լավագույն ապացույցը լեզվական բարձր կուլտուրայով գրված նրա ստեղծագործություններն ու արձակ էջերն են: Ընթերցողին դերում է Հարությունյանի կիրթ, արտահայտչական բազում հնարավորություններ ունեցող լեզուն, աշխարհաբար լեզվի հարուստ բառապանծից օգտվելու բացառիկ հմտությունը: Գրողը իր հոգու ներքին ապրումներն ու մտորումները լիարժեք արտահայտելու համար օգտվել է բանարվեստի դարերով խոսքած խոսքի պաշարներից, որոնք կենդանի շունչ ու ոգի են հաղորդել նրա պոեզիային:

Հարությունյանի բանաստեղծությունների հուզական և իմաստային ներդրությունը պայմանավորվում է ոչ միայն բնության երևույթները պատկերելու եղանակով, այլև մտքի խորութեամբ, զգացմունքի ուժով, դրանց արտահայտման ձևով, որի մեջ կարևորը բառերի ու կապակցությունների դասավորության ու կիրառության ձևերն են:

Գեղարվեստական պատկերավորության զանազան միջոցները ներդաշնակորեն միահյուսվում են բանաստեղծությունների պատկերային ընդհանուր կառուցվածքի հետ որպես մի օրգանական, միաձուլված արտահայտություն՝ ցայտուն և տպավորիչ դարձնելով առարկա-երևույթների բանաստեղծական հմայքը: Ահա մի նմուշ այդպիսի քերթության.

Հոգվույս խորը կարոտներ կան,
Որ կքանդեն զիս օրե օր,
Ինչպես բոցին կարմիր լեզուն
Մոմին ձերմակ մարմինն աղվոր²⁴:

Հարությունյանի պատկերավոր մտածողությունն իր ամենացայտուն դրսևորումն է ստացել յուրօրինակ փոխաբերությունների մեջ: Մի առանձին շարք են կազմում այն փոխաբերություններն ու մակդիրները, որոնք շնչավորում են բնության տարբեր երևույթները՝ ավելի շոշափելի դարձնելով իր ապրումները.

Իրիկունն է շատոնց մեռեր
Դագադին մեջ լուրթ լեռներուն,
Ու գիշերը հագած սևեր
Կը սըփռե ցուրտն իր ձորձերուն²⁵:

Գեղարվեստական կոնկրետ պատկերները Հարությունյանի քնարերգության ամենակենսական հատկություններից են, նրա բանաստեղծական արվեստի դրսևորման յուրահատուկ ձևերը: Դրանց շնորհիվ է, որ նրա քերթվածների գաղափարական բովանդակությունը մեծ նշանակություն է ձեռք

²⁴ Ա. Հարությունյան, Նոր քնար, էջ 57:

²⁵ Ա. Հարությունյան, Երկունք, էջ 55:

բերում, քանդի առանց համապատասխան ձևի ոչ մի գաղափարական բովանդակություն գեղարվեստական իրականություն դառնալ չի կարող: Այդ երկուսը միասնական հանգես են գալիս Հարությունյանի քնարերգության մեջ: Սակայն հայրենասեր բանաստեղծի շատ մտահղացումներ ու ստեղծագործական ծրագրեր մնացին անկատար: Ուժերի ամենածաղկուն շրջանում հարյուրավոր հայ մտավորականների հետ Հարությունյանը ևս զոհ դարձավ մեծ եղեռնին:

ПОЭЗИЯ АРТАШЕСА АРУТЮНЯНА

ВАРСИК ШАМЛЯН

Резюме

В конце XIX—начале XX вв. западноармянская литература, в частности, поэзия переживала большой подъем. Одновременно с Варужаном, Сиаманто, Мецаренцем в литературу вошел один из самобытных лириков западноармянской поэзии—Арташес Арутюнян. Он был талантливым поэтом, одаренным переводчиком, пламенным публицистом, тонким критиком.

Его перу принадлежат три сборника: «Покинутая лира» (1902), «Розовые схватки» (1906), «Новая лира» (1912). В своей лирике тончайшими поэтическими средствами он воспевал природу и любовь, выступающие в его стихах в неразрывном единстве.